



INGERLATAQ
MEEQQAT
OQALLIFFIAT



Eqqaamassavat illit nammineq
isummernissannut pisinnaatitaaf-
feqaravit, tusarneqarnissannullu
pisinnaatitaaffeqarlutit!



MIPI-p Meeqqat Illersuisuata sulerinissaanut Kalaallit Nunaanni meeqqat inuusuttullu qanoq isumaqarnersut apersorsimavai

MIPI - kikkuuvugut?

MIPI - meeqqat inuusuttullu pillugit ilisimasaqarfik, Kalaallit Nunaanni meeqqat inuusuttullu pillugit ilisimasanik katersinermik suliaqarpoq. Nittartagarput

www.mipi.gl takuuk, inersimasunut Kalaallit Nunaanni meeqqat inuusuttullu pillugit ilisimasanik atorfissaqartitsisunut suliaavoq. Illillu ilinniakkannut atatillugu allagaqassaguit, immaga paasissutissanik atorfissaqartitannik nassarfigisinnaassavat.

Meeqqat isumaat malillugit Meeqqat Illersuisuata suliassaqarfigisassai

MIPI-p Meeqqat Illersuisuata sulerinissaanut Kalaallit Nunaanni meeqqat inuusuttullu qanoq isumaqarnersut apersorsimavai. Akissutininik pitsaasunik amerlasoorpassuarinik pissarsisimavugut, quppernermilu tulermi qanoq akisimaneri atuarsinnaavatit.





Meeqqat
Illersuisuat tassaavoq
suliffeqarfik inersimasumik
arlaqartunilluunniit sulisoqar-
toq, pisinnaatitaaffigisasi
malinneqarnersut nakkutigine-
ratigut meeqqat inuusuttullu
ikiorsersorneqarnissaa-
naanik suliagartussat



**Inersimasut meeqqat aala-
jangiissuttassappatigit kusa-
nanngilluinnassaaq, soorlu
uagut aalisagaaqqat toqugutta
WC-kkut igiinnagassat**




**Pingaartumik
illoqarfeeqqaniittut
atugarliornersaapput**






Meeqqat tamarmik nuannersunik
peqqinnartunillu sunngiffimmi
sammisassaqaarnissamut
periarfissaqassapput,
aamma illoqarfinni
minnerusuni nunaqarfinnilu.
Assersuutigalugu klub-ini,
imaluunniit pinnguarterfinni
nuannersuni, timersornermut
periarfissarlutik.



**Nuummi Sisimiunilu
taamaallaat naluttar-
feqarsinnaangilaq**





**Angajoqqaat amerlavallaaqaat
meeqqaminnik iluamik
paaqqinnissinnaanngitsut,
imernertik pissutigalugu**

Isumaqarpusi pingaartuusooq

- Meeqqat tamarmik ullut tamaasa naammattunik nerisassaqlutillu issitsillugu oqortunik atisas-saqassapput.
- Meeqqat tamarmik eqqissisimanartumik meeraaffeqassapput assersuutigalugu angajoqqaavi meeqqatik iluamik ajunngitsumik paarisinnaajun-naarlugit imissanatik.
- Inersimasut meeqqat tusaaniarnerulissagaat aperisarlugillu meeqqat inuusuttullu qanoq isuma-qarnersut, meeqqanut inuusuttunullu tunngasutigut aalajangiiginnarnatik.

- Meeqqat tamarmik ajunngitsumik inuunissamut periarfissaqarnissaat - aamma meeqqat nuna-qarfimmiut - assigiinngisitsineqanngitsumik!
- Meeqqat atuarfimmi pissutsinut pitsaannerusunut periarfissaqartitaassapput, soorlu ininut pitsaasunut peqqinnartunut pequtinullu pitsaasunut - ilinniartitsisunullu pikkorissunut. Siunis-saq pitsaasoq qulakkiissagaanni ilinniagaqarneq pingaartuuvoq!
- Meeqqat inuusuttullu tamarmik pisinnaati-taaffimminnik ilisimaarinnissapput, meeqqat pisinnaatitaaffii pillugit paasisitsiniaaneq annertunerusoq pisariaqartinneqarpoq.



**Try to listen to the children!! Tusaan-
ngitsuusaaginnarnagit, inuusuttuar-
aanerat patsisigiinnarlugu**

Silarsuatsinni meeqqat inuusuttullu
oqaasissaqartitaanerat annikitsuaraar-
suvoq, taakkuullutilli ulluinnarni
atuarfimmillu suut atorfissaqartinner-
lugit ilisimasaqarnerpaasut

MIPI-P AKISSUTERPASSUIT TIGUSIMASAGUT ASSUT NUANNA-
RUTIGAI, ISUMAQARPUGULLU PISSUTSIT MEEQQANUT
INUUSUTTUNULLU ILISSINNUT TUNNGASUT PILLUGIT
ANNERTUNERUJUSSUARMIK APERSORNEQARTARIAQARTUSI.
NALUNNGILARPUT ILAANNEERIARLUNI INERSIMASUT MEEQQAT
INUUSUTTULLU ISUMAANNIK TUSARTINNIARNERI AJORNAKUSOOR-
SINNAASARTOQ, TAAMAAMMALLU TUSARNEQARNISSASSINNI IKIOR-
SERSORNIARLUSI MISISSUINEQ MANNA INGERLASSIMAVARPUT.



QUJANARSUAQ
AKISSUTEQAA-
TISSINNUT :)

EQQAAMASSAVAT
ILLIT NAMMINEQ
ISUMMERNISSANNUT
PISINNAATITAAFFEQA-
RAVIT, TUSARNEQAR-
NISSANNULLU
PISINNAATITAAFFE-
QARLUTIT!

QANOQ ISUMAQARNER-
LUTIT EQQARSAATI-
GERIARUK, QANORLU
ISUMAQARNERIT
OQAATIGALUGU.





**Uanga isumaqarpunga Meeqqat
pillugit Siunnersuisoqatigiit
ilaatigut meeqqat inuusuttullu
pillugit misissuinerpassuarnik
suliaqassasut**

**MIPI ATTA-
VEQARFIGAA**



**Meeqqat Inuusuttullu Pillugit Iisimasaqarfik
Videnscenter om børn og unge
Documentation Centre on Children and Youth**

**Boks 1290
3900 Nuuk
Telefon: +299 34 69 40
E-mail: mipi@gh.gl
www.mipi.gl**

